

# Það er gott að elska

Lag og texti: Bubbi Morthens

Það var einn morgun snemma sumars þegar sólin kíkti inn  
ég sat við gluggann með kaffið, var að horfa á himininn.  
Geislarnir tipluðu inn á hvítum fótum og földu brosin sín  
og fundu þig undir sænginni mjúku og opnuðu augu þín.

Og það er gott að elska  
og það er gott að elska  
og það er gott að elska  
konu eins og þig.

Þú býður mér blíðlega góðan dag og drekkur þitt kínverska te  
dimmblá fegurð augna þinna er það eina sem ég sé.  
Það er ljúft að horfa á þig og finna friðinn sem leggur frá þér  
þú ert falleg svona nývöknuð, þú ert allt sem ég óska mér.

Og nú er ég orðinn faðir og finn hversu ljúft það er  
að fá furðu smáar hendur að morgni dags um háls á mér.  
Og gagnvart konu eins og þér er ástin mitt eina svar  
og ef það er líf eftir þetta líf þá mun ég elska þig líka þar.

Lagið má finna á eftirtöldum útgáfum

- Bubbi Lífið er ljúft (1993)
- Bubbi - Sögur 1990-2000 (2000)
- Ýmsir - 100 Íslenskar ballöður (2009)
- Bubbi - Sögur af ást landi og þjóð 1980 - 2010 (CD & DVD, 2010)